

徐
文
長
文
集

徐文長文集卷之八

公安袁宏道中郎評點

門人郝之璽公琰校訂

五言排律

宣府槐龍篇

有敘

宣鎮開府之西有槐曰槐龍高不過丈餘圍亦未匝兩把而廣圍如蓋糾枝如龍蛇重不可勝支柱以數十可擬五楹屋之覆盛夏葉生蒼赭騫撲又若龜穹而鵬下語其奇蹇非

特一世所無卽鄧林見之亦當却避而偃也
然所云丈餘者榆櫪耳而頂折處始爲槐扣
傳 毅皇帝幸此中人所接以植者或云

文皇子視之非百年中物云 文皇蓋 文

皇數幸此以討不廷 行殿當槐處意槐植

其時殆然耶舊爲某叅戎宅圖以其所從來
如是也久之不自安迨今吳鎮公至則曰是
地爲 聖祖臨御以平定所不可以私準其
道蹟之遂稍新其構用以備講武饗士于過

鎮公與萍逢者數人憩其下少焉榼至爲數
酌起步稍北得幽甃似以浮竿而涸不流間
水得古方井去槐可數十步汲以漱冷不可
銜以其甘也勉吸焉始慙水本母也母殊而
子以凡理限可平以此推之未而年而成是
植未爲不可信也

大樹將軍號喬松大夫封何如茲茂蔭宛爾作深籠
目目尖成兔條條結綰龍乘涼翠葆颯撐暑碧油烘
開府何年買天王舊物鍾賔觴飛遁外塞略坐籌

中鵬翼垂天下、龜裙覆海峇、柯南蟻壘國、甃北乳方
泓的的朱門照、霏霏綠霧濛、千雲榆所接、影月桂能
通、赭英承新蛻、青絲斷墜蟲、五楹團廣廈、百柱卓雄
風、大漠馴驕子、長城屬令公、一枝陰虜馬、半葉掃邊
烽、矢石無忘備、尊鼎稍可從、先朝勤灌溉、後代倚
幢幢、虬擬皇情悅、黃猶御氣蒙、長陵如可作、願
柱大明宮、

水仙

公排律蒼鍊非沈宋可及

棄粉當粧匣、拋脂落茜坡、黃姑插金鴈、織女洗銀河、

敢以人間色來方天上娥借煙行作雨不黛掃成蛾
渡海群騎燕橫江或跨鷺盈盈素羅襪泛泛綠鱗波
剝腹迷湘芷餘嬌付越荷兔房秋杵藥鯨室夜珠梭
道子猶難似非煙繡不過張顛狂草筆塗罷一高歌
萬曆二年翰林院中白燕雙乳輔臣以獻進

兩宮並賞殊瑞聞而賦之

以在玉堂
故四句云

白燕自何方雙嬌乳玉堂若非翻向壁只道斷從梁
易許青藜暎難教黑扇藏宮釵今兩隻巷口幾斜陽
並語裁薇處交栖視草旁春情堪與譯秋韻好填潢

御水沿溝、嘶名園、隔苑牆、穿花雪片、疊落絮、剪刀長。
通拂宵、麻素爭、搖曉禁、芳隨、河迷、賈至遮、字冷、孫康、
未及郊、襟候先、歌命、鳥章、兩宮看、帶笑、萬乘、吟、
生光、或向、罌、愚度、閑、馮女、寺、量、江南來、舞、平海、國、墮、
綃、繡、哺、蝶、吹、殘、粉、捎、蜂、慘、嫩、黃、古、詞、里、苜、蓿、新、山、斷、
滄、浪、出、入、皆、消、禁、羞、池、半、紫、房、姬、姜、紅、線、繫、姊、妹、縞、
巾、揚、毳、啄、偏、諧、謔、廷、裁、必、雅、莊、冰、霜、俱、入、句、吐、嚼、
總、生、涼、飲、啄、如、知、介、飛、鳴、迥、不、常、瓊、瑶、報、聖、王、文、
彩、伴、仙、郎、自、古、生、賢、佐、多、因、爾、兆、祥、試、看、今、稷、契、還、

奉舊虞唐

送史叔考讀書其坑

連歲磨酬久，茲晨伴侶稀。
百觥澆錫卵，一硯匯鼃磯。
漸到鳴灘岍，微穿聚葉暉。
窮經朱簡斷，搦字墨光肥。
甯曰典雞早，茅紅掣兔飛。
逐時文股歷，入悟習心非。
水遠緘魚斷，山深脯獸晞。
客來供鹿蹠，雉下警羅扉。
竹後何曾爛，航玄自不歸。

觀浴象

昨一象忽狂而奔，折廟門之闌，又輟耕錄持荷筒吸酒名象鼻飲

帝京初伏候，出象浴城湍。
乍暎長壕黑，時涵巨浪漫。

有頭皆積垢無尾不藏瘢
出沒漩渦口崔嵬甃嘶端
巴蛇吞未下灤不浸還乾
決潏滄泥落吹噴細雪殘
鼻卷荷屈水牙劃藕穿淵
逐隊趨蹄易呼群拭背難
秣芻廝養習瀚刷羽林官
前是生殊域同來飼一關
不爭儔力大共荷主恩寬
帶濕驚鈎鐵携涼臥藁
搏鼉鼉心不畏鼠豕額何
攢昨日誰狂走今朝爾頓
安從茲須自愛莫更損關
干

和葛景文

十丈高垣地圓圓遶棘柴
青天縣鰈澗黑洞鎖龍垂

不以無窮變來縈有盡懷提壺向前去付錦許渠埋
每剖遺魚素翻思去鳥偕真成秋落羽欲插上冲骸

抱琴美人圖

會真無此沈吟

身去盼猶轉抱琴何處來定知清夜裏去聽長卿回
細細腰宜舞輕輕步懶催睡濃粧略淡性慧相多猜
眉下波含柳顙心風落梅對人逆欲語袖手藕藏羞
浣水傾吳國爲雲到楚臺帶飛修曳縞珮響細衡瑰
綠帳愁單掩朱唇似善訴冰絃寫離怨洞閣遠誼歷
曉戶玲瓏啓春花次第開相將折芍藥掩暎過莓苔

蜀國倡嬌。荷河中色妙。崔試將同佇立。正慙兩徘徊。
宮髻髮一尺明珠環兩枚。自然宜淡掃。故不畫煙煤。
或薦珊瑚枕。如傾玳瑁杯。息芳將近近。粉膩愈皚皚。
按曲迴成雪。徵車響帙雷。翟衣真帝也。荇菜合悠哉。
瑩篴傳麗玉。琵琶伏善才。何如鼓流水。真若遡沿回。
別鶴引如弄。求凰調轉哀。有人於座上。奈爾隔屏隈。
採藥人聞阮。遊仙者姓裴。不言偶襄漢。定說見天台。
巧笑金難買。多香玉借胎。繡穿新樣領。綬結古文罍。
皎似珠遊浦。清如露滴槐。採花棚上竹。鬪草砌隅臺。

約伴携雙手、懷人在兩腮、鴛鴦何處覓、鸚鵡有時撥、
增減俱難中、短長元自該、趙妃宅裏妹、宋玉里中魁、
宛爾凝如望、嫣然乍可偎、臨波卽帝子、食肉亦蓬萊、
懊惱思金谷、闌干哭馬嵬、流波與流態、令稿復令灰、
絕代誠難得、現姿理莫推、如斯落魚鴈、毋乃夢蛇虺、
俠客氣何壯、佳人棄若遺、將來換駿馬、期在得高駝、
艷冶非不愛、縱橫良有材、從他形裊裊、不戀志恢恢、
湊兩難爲粲、爲屏併作傀、麝香新熱餅、獸鼎舊安能、
茲畫何人染、錢塘漆子裁、拂暎驚臥榻、助腕汲新醅、

持過西陵下，因啼蘇小堆。青松惟下鳥，紅頰已成煨。
潮長日初仄，春深草漸萋。山家時噉犬，捕雉又張罝。
上下鳬鷗沒，擎拳翡翠愁。物華迅流轉，顏色總塵埃。
處女元吾守，明時肯自媒。有時求柱桷，不信舍徂徠。
忌嫉生宮闈，芻梁飽鴛胎。祗聞饑婉戀，不見斥鴳醜。
戲論擴多韻，談虛遍九垓。性空色不著，養致體逾頽。
旣已成圖畫，其何忍剝摧。屏圖裝已匝，花月任爲災。
書舍蕭蕭影，奇花一一栽。對卿長比鉅，顧彼獨澆培。
風颯羅帷裏，蟲鳴玉砌陔。此時漢武見，又道李龜廻。

先除夕二日雪甚如嬰兒拳

次日迎春

臘盡接春將孤眠枕被涼朝興驚六出午晏俛千莖
兀坐愁空甕群栖塞壤墻樽酥幾鷄卵絮柳未驚黃
堪取爲毬打行看挂霜僵明年從大有連歲却餘灰
見說開元寺重新古道場一髡擔化主十殿啟閻王
猶記迎春昔長頽此地觴解姬捎誕馬蠻子襖綿羊
樓角嬌波聚亭椒嫩采粧百壚忙酒保四郭擠村娘
獸圈攘牛土蟲枝試鳥簧不知今日賞還有此風光

畫坐草栗鼠

的色少陵

鼠有能跳者名因嗜栗傳兒童袖裏串松檜頂尖縣
寫躍難爲逸描躑易犯妍臂肥隈草煖尾大刷瓜圓
叫喚孤雌別銀錯舊伴牽坐思禁一飽暨產大如拳

電 奇險

列缺儼睢盱緋冠絳褲襦礮礮鮮舌哆煙焰漲天嗟
侍從排焦額槐標塞太虛光中藏栲栳麥處借旛旗
雞吐朝官綬龍逢海豕驅阿香開鏡數玉女笑壺輸
好作王戎眼休燒李勣鬚滅明難捉摸搜索愈逃遁
或見焚鱗尾徒聞遶三樞金蛇穿雨劃赤兔駕雷屠

煨燼乾坤赭飛騰日月徐閉門遭斧鑿馮塔養蜘蛛
鎗斗何工煨硫砒若帑儲旱乾於閃魃冬蟄伴泥豬
萬瓦穿如瞰孤窓熱欲糜淫威神鹵莽僥倖鬼椰榆
昨夕在傾潦群靈儼聚誅彌霄紅落燕聲海白跳珠
但劈梧桐去何曾打卽且

雷火如燕
夷堅志

芭蕉花

芭蕉種四年華葢發茨檐玉蘭爲媵姊木筆是曾玄
十一帑蓮菖尋常類馬肝坼難剗海蚌辦厚落河蚶
香色無非歛蜂胥有自開古粧蠶婦出立馬使君寒

春久枝俱果霞長鴈正還寄書蘇蕙老挾扇婕妤辱
我昔南過嶺蠻多種在田實甜藤俎上絲冷葛機邊
和荔燒天紫同椰蓋海炎別來頻屈指禿後止餘顛
不道孤亭畔言抽徑尺圍逡巡無術致描寫恨才慙
太華尖崩半平原賴脫剝肥遮樵者夢魚沈美人丹
苦少榴枝泛珊瑚奉倚欄

子侯芳園王瓜駢秀傳聞遠邇快觀咏歌附驥

非才續貂聊漫

老後圃聊便栽蔬夾芋田壤輶牽遠井破屋傍隣橡

脫帽當茶竈。持劒掘笋鞭。忽來新莫逆。幸忝舊忘年。
却說渠家圃。如承帝眷憐。瓜雖非五色。帶却領雙圓。
杵向秋砧挂。旒添曉纈懸。縣攀胎咽并。紐雌尾鼻俱穿。
自是生成偶。非關造化偏。癭孤羞杜預。面對儼庭堅。
未羨三眠柳。那論並萼蓮。嬌黃濃鬢鈿。淺黑掀針綿。
花謝知誰後。藤升許孰先。客歡浮白賞。婦喜用紅纏。
野鼠分行抱。牆蝸別隊緣。霜時爭畫捲。月令特書傳。
楊尹詩幾首。柳州表一聯。合歡光簡策。內履慎周旋。
駢拇從來賤。重墮自昔憐。馮他閒估校。何處定姪妍。

宴游西郊詩

有序

借飲寺人之園

去郭不五里有名園焉喬木蔽空流水遶砌
望之如錦屏幾折而花蟠就以携尊亭兩區
而翬矯迨若珍果纍纍貫珠蔚矣蒼蘿飄飄
結幄鳴禽調管半是黃鸝飛蠅怯冰全投綠
蟻待群公而未至適微興之孤騫大白屢浮
爰揮紫兔雌黃無事聊就黑甜乃若蒟醬木
堯之云無非實事朱卿侯家之引並非虛言
舉其尤者他可知矣

園樹有白櫻桃

艾候當龍舫。萍蹤集鳳城。凌晨催邸飯。乘暇出郊行。
短短蒲抽玉。交交鳥弄笙。辭簷排擁蔽。並馬得崢嶸。
碧岫紅雲幻。磁壺白雪擎。候賓賓未集。顧僕僕頻傾。
踊醬何方至。胡桃撲地橫。騎龍排木堋。剪虎綴冠纓。
綵扇臨杯舄。蒲團就几馮。甲蔬香百種。根撥秀千莢。
菌菴含冰腦。櫻桃滴水晶。胡蜂俱仰蜜。家鵠半棲甍。
熟果從枝摘。穠花得葉清。看餘錦綺色。聽斷轆轤聲。
買竹金千鎰。溫瓜火一星。鈎彎遲桂鬼。流曲擬蘭亭。
菱藕堆盤雪。蠅蚊避席冰。江南渾縮地。塞北總怡情。

折簡招群彥聯牀勝百朋來希王情懶別易客心驚
折柳條餘幾牽衣淚鎖零舞腰寧自賞歌曲遲儂聽
日炙嫣紅袖風狂散綠萍盆供春色滿簾展晚涼迎
茉莉簪紗帽玫瑰裊醕觥池淹席幕金谷較輸贏
可惜朱卿去偏當赤地晴錦帆風不進玉笋月誰賡
孤悶當蘆發頽軀倚樹撐長空生咄咄懊緒付娉婷
得意才俱雋相如賦擬成吹噓真俗話放浪自浮生
毳毼飛明月山來匝翠屏歸雅分樹掠饑馬望鷓鴣鳴
入郭斜榆影迴顰指柳營侯家銀燭朗客座綵簾明

貝葉書難譯、蓮筒吸判醒、轄沈驚座睡、樓迥景陽勻、
朝馬搖鳴佩、升烏影畫橋、百川如變海、重此醉長鯨、

張氏子黃鸚鵡

見說黃鸚鵡、西來自氐羌、色今分問正、天與改文章、
竟奪春鵬羽、全爲漢鵠翔、能言程敢並、借染蜜初房、
稍挂楊絲亂、聊憑菊瓣張、金釵翹衛女、紅豆惹蕭娘、
惱燕依人紫、愁鷹掠兔蒼、香拳開鉄爪、妙影閃銅梁、
江夏埋詞客、秦山問上皇、赭袍雙映淺、芳草一洲長、
夢兆呈妃子、琵琶喚海倡、性情胎戊巳、

員合宮商

百鳥窺應噪、孤鳳見必傷、未能求一友、差可哭三良、
老病渾如昨、新閒喜未嘗、借看如可許、香稻當茶湯、
後聞鸚鵡眼、系直度兩眶、人可洞視、陰句過

惱公

雙瞳穿腦過、對面兩菱花、琥珀鑽松竅、琉璃釘扇紗、
隔顛孤碧炯、橫準一梁加、飲啄千峯物、雌雄萬樹家、
回頭忽不見、交睫夢成賒、摩盪晶初日、玲瓏射落霞、
照拳明蕨腦、夾喙影姜芽、戀月睚寒暈、啼煙淚澁沙、
端州鵝鵲研、藥郡石榴砂、呬呬雄生怒、迷離媚作邪、

傾城秋水顧阿堵虎頭誇認客休青白韜光混瑾瑕
如憐蔡家女分鏡堊琵琶

題宋刻絲蓼花立鳥圖

江上深秋景偏於蘋蓼妍娟娟啼葉鳥淡淡入村煙
生色渾疑畫微絲却是牽精時愁呂紀妙處失黃筌
久挂方知定初驚只欲翩天孫無限巧乞與世人傳

丁卯六月十六日五鼓夢一憲公更訊子獄子

頗懇乞且歷數古人事憲公乃取片紙手畫

一白犬從雪中獵作題且曰汝賦得十韻卽

止予賦得十二句而憲公遂巡起予亦覺半

忘矣今續成之

夢中所記者秦雪覺無踪鷹呼二句亦強真夢中語也

太白高秦雪林官選漢都西
焚非遠物冬狩是雄圖
冰溜蹄兼滑花銷毳結酥
逐方餘狡兎烹豈遽韓盧
羽搏紛迷素毛燂糝共疎
一聲非口吹萬壑徧鷹呼
馳影爭飛霞躋身印守株
窮搜寒愈急凍尾煖微濡
國取矜猶弱還宜解網罟
莫教將耿雉文錦碎模糊

徐文長文集卷之八

終

徐文長文集卷之九

公安袁宏道中郎評點

門人郝之璽公琰校訂

七言排律

上督府公生日詩

并序

嘉靖己未秋九月廿有六日恭逢督府明公
之生辰於是文武吏士及鄉大夫士若耆舊
賓客以公自鎮撫以來功在東南者實大且
遠乃相與各抱其所為公長久祝而公

於今年春夏之交受諸道告捷之後奏凱
天關戢兵海隅民物熙和旬宇清廓惟茲嘉
誕適屆其時萸菊交芳天日俱朗旌旗應爽
氣而彌肅饒吹協商燧而並遠慶者雲集萬
衆一辭比之往昔益爲隆盛某小子叨沐寵
榮間嘗一佩華綬以奉侍幕下雖愚賤少
文不敢自附於衆人之後至於仰清光祝久
遠其心固無異於衆人也謹撰長篇一首凡
百句奉伏門下以充獻壽之禮自知拙陋無

所發杼然慕戀思私忻喜盛事自不能已於
言耳

遠曙輕籠海色蒼涼颶新薦菊英黃清秋此日逢華
誕繼祖當年遙異香地與人文增氣象天爲王國產
禎祥壯猷未老如方叔秘略曾傳似子房初捧兵符
分虎竹昨銜使命馭龍驤森羅島嶼諸夷會鎖鑰門
庭一面當刁斗不傳人自樂牙旗欲動勢偏揚雄豪
定遠遙辭漢寬大汾陽近在唐管領華夷新士馬掃
平吳越舊封疆曾先突騎重圍裏親式鳴蛙大道旁

已遣嚴兵管細柳，更教長劔倚扶桑。三承寵錫恩
何渥，一受深知德愈光。定有姓名題御扆，每勤賞賜
到遐荒。千齡素質雙麋鹿，五色奇毛兩鳳凰。國有昌
符臣協吉，家承嚴訓子徵良。田單下狄親鳴鼓，姬旦
居東久缺旂。折屣觸欽炎，辭羽蓋轉巡。郊野憩甘棠，軍
中作氣頻。投石陣裏籌機捷，探囊敵目轅門標。大纛
浮天水，寨集餘皇離。弓並月，名繁弱。寶劍衝星出，豫
章幾處名香迎。馬首數群長鬣夾，車箱量兼滄海涵。
諸島身作長城障，一方萬里星辰羅。北極百番貢道

出東洋。曹彬賜劔。權偏重。庚亮登樓。與合狂引。至偏
裨。堅誓約。邀還賓佐。據胡牀。鯨鯢久已。封京觀。翡翠
行。看出越裳詎止。芳名流簡冊。還將偉績著旂常。功
成淮蔡。應趨闕路。涉燕齊。好待糧。將相位。兼勞出入
君臣道。合致平康。山城令節。茱萸發。高宴華軒。錦綺
張。日照花明。諸樂作。風吹帳啓。衆賓藏。鶴鳴流響。開
天漢。芝燦浮光。到羽觴。競取良辰占上壽。復欣嘉會
嗣重陽。樹聯月桂。輝花萼。斗近天河。挹酒漿。黑齒呈
歌。須譯問文身。獻舞。傲專場。地連玄嶠。仙常集。候傍

黃鐘日漸長。共以精誠抒華視。况兼佳麗屬錢塘。飯
生本住山陰里。浪跡疑乘海畔航。城下釣魚懷漂母。
堂前結客憶周郎。未逢黃石青誰授。不墜青雲志自
強。抱玉已憐非楚璞。吹竽那識動齊王。幸因文字蒙
徵擢。時佩帶毫侍瑣廊。綦履東西魚共麗。戎衣左右
鴈俱翔。縣知陳阮時游魏。豈乏鄒枚並寓梁。博採燕
昭期致駿。曲存宜父愛非羊。衆人國士階元別。知己
蒙恩心所量。自分才難堪記室。人疑待已過中行。構
成燕雀猶知賀。報取瓊瑤未可償。偶值高門挂弧矢。

且賡小雅賦桑楊却慚未協宮商調莫並當筵巧奏
箏

奉侍少保公宴集龍游之翠光巖

命與沈嘉則同賦時方有

閩之役

樓船幾日下錢塘勝地臨江綺席張虎帳山開羅作
帶龍潭水積劒爲光芳羞自由船窓底妙響偏宜舞
扇傍日暎梳檣兼樹密風吹絲竹裊雲長漁郎賈客
停何事桂楫蘭橈渡不妨暫脫錦袍懸翠壁忽抽彤
管拂青絢閑中國計籌能悉醉後兵符發更詳寶馬

嘶群行雜錦、紅旗懸的射穿楊、霜前下葉沙俱積、雨
後殘碑蘚更香、野曠牙官分作隊、林疎甲士補成行、
松杉借翠連幢碧、櫛櫛分金映甲黃、羽扇周郎臨赤
壁、輕裘叔子在襄陽、庾樓無月人猶往、郢幕開風客
不藏、遠眺非關耽麗景、雄心先已到遐荒、建溪露布
風雷急、沅水兵威草木揚、却與從行諸幕士、維舟九
曲泛清觴、

數年來南雪甚於北、癸未復爾人戲謂南北之
氣互相換似賈人帶之往來理、或然歟、邊塞

不易雨而今每潦十九韻

陰陽北去隨南客。雨雪南來自北天。雨爛胡弓知幾
歲。雪高越瓦已三年。偶然盡海迷遼鶴。不是登橋聽
杜鵑。吠犬從今無一處。喘牛必問有諸賢。明明日向
彤雲暗。杳杳璣籠紫霧懸。羲氏輪膏埋壁屑。滕公河
水瀉銀錢。銛鋒插戟包難見。深窅穿泉粉愈填。萬里
蕭條昏井邑。千家凌奪失園田。疑花宿誤群歸羽。折
竹真摧幾個圓。鼻醋醃寒先慣吸。羹鹽調劑未堪煎。
傾危作兔當山頂。搏控成獅向日邊。借皎肥身灰象

飽吹柔害物素猶拳綿針絮刺俱叢棘玉辨銀筒假
淤蓮陽德盡闕閭闔上陰威直到祝融顛華亭羽翼
漫天久上蔡鷹盧獵野偏伍員江長潮正怒三閔沙
白骨新捐稀如尸蠱穿雲去細似繩蠅點壁旋急舞
魚鱗明扈跋繁遮蝗陣暗霄審哀安臥苦僵猶得解
縉尸埋醉可憐萬事豈俱埋得盡有時終露牖懷冤
次夕降搏雪徑滿驚鳴卯余睡而復起燒竹照

之八十韻

險澁幽苦東坡後復見乃公

把炬循除立斷藜鴉驚彈雪宿叩低終宵有許垂驚

伏片刻應能沒馬蹄，一一劈分舒濶掌，團團捲擲碎。
霜梨紅塲盡，海毬爭打白鷺橫。江荻未栖崩，屋塌簷
支正。惡窺窻入竇，倚相睽後飛輕薄。高難下，先引威
稜導且齊。隔歲窖藏猶霰雹。群兒想象入後，覩辨觚
出六摧桃李。端舛過三黨稗穉，博浪金椎徂擊遍。彌
天白霧殺機提，鸞髻鵠赭吹毛盡。竹哭梅啼到骨披，
穿重解深三窟鬼。侵多不剩一丸泥，暗隨鵬翼長沙
拍亮誤。雞司短曙啼灰燼挑殘寒，夜火袍誰脫與故
人綈流蘇。旣縞堪鈎挂，粉的渾綿向鏡低。風絮謝娘

難可疑煙蘆娃客幾成迷公孫被襖涼如鍔子母蚨
緡渴若浙獸徑易漫麋散跡獵弓難放麝香臍巖俱
周處南山額毳盡蘇卿北海羝鮫室百窻簾蛤蚌羌
胡一國水玻璃饑脾苦逼長安好酸鼻寒淒宰相醯
葉尹如捐棺可玉麻姑未老海堪梯洪厓走汞流松
外穆滿量珠賞竹西綠鬢取裁髻髻樣金釵都換柰
花鎚儒壘瓦甕醃蝦蜆門蒜太鸚鵡蝠假仙
搗石乳蟬蛇馮臚甕銀堤將紉作蓋俱成羽取綴爲
裘盡是麕鷹隼攫身功奪狗牛羊埋角罪歸麕軒輊

鏡色飛橋頂，臥冶鐸霜掣劍谿。蕩漾乾坤成玉合，紛
紜翳膜刮金篦。楊妃暗粉玄宮發，卓氏綦巾皓首齊。
此際胡雲黃滿塞，當年梁簡赤曾題。霽微未必清鐘
磬，灑急如堪付鼓鼙。紅袖共斟將共若，錦囊須佩却
須奚。寒郊瘦島吟成蟄，煖肉肥肌屏作閨。漸離荆卿
僵易水，趙王代娣冷摩笄。瑤枝上漢無雲霧，銀鬣行
天睹駉騄。併是凌寒貞歲柏，不同趨熱媚權桂。親淹
上國裘，曾紋眼見金吾騎。總緹盡領熊羆供，掃拂別
從雉兔較弓弣。高培糞梗團成菌，柔攸山毛嫩作莢。

宵慘睢盱，夢罔兩塑。嬌咽頂女，螭螭粧塗。恨少施肌，髮刻畫爭先解佩。竊何事，井噴煩蜥蜴。祇馮陰燭，點虹霓。瓠犀璀璨，排媽齒。榴子圓，齧墮老覲解。楓紫騮鮮，豹犢俄穿翠襖。化貂珪宮，奩鏡煖。因椒瑾寒壁，刀斜謝鵲。鵲木稼怕官誦，雜識草乾愁。牧馬頻嘶，媯皇煉石，霄猶漏。帝女燒鉛杼，懶擠凍霜尖。持燕匕首，明恣塵射。魏刀圭，睥睨釘斷于圓帶。沙磧龍祠，令尹珪連日大酺。粲儘掬傾筐，堆帛取如携。騎都爛漫，糜羊胃苞坦縱橫。解犢臄，燕領不醒頰。錦帳蛾眉邀醉疊。

金柅卽堪楚曲流宮徵必喚齊僖許滑稽蕩甲搖犀
明練組長鷗大鏃拭弧鉀孤煙罷突眞三日破釜縣
臍僅一驚水木騎羊來代遁膝封弄雨各訶詆心憂
掘閤衣麻矣狂走茱蘭帶悸兮霎爾黃腸洩鼎鼎俄
然白骨塋鯨鯢爲燈跋燭須臾滅沃錠消瑣頃刻齋
公向蒼儀騰皓潔竟忘赤地混緇鰲隨颺過越迎關
吠度葉爲花帶鳥棲蜂蛺誤猜堪蜜蠟清明縑斷正
錫鯉西池萬里吹黃竹東郭雙趺赤鞵想見穹蒼
鳴立圓親看牀足縮趺蟻恰妨青帝迎春仗無救

炎病夏畦壓取剛條俱偃偃試尋勁草但萋萋幾時
千仞消淩蟬何處雙桑赫海靦形虎似鹽虛晉俎調
梅無味枉商鐫蝗蝨未必沈三尺甲拆先應了一卦
莊語夏蟲定惟趙襄冬日禊爭候風偏助勢長成
練月總輸光不到犀履薄有人愁墜谷乘危無盡上
埋奎豈無黃道率葵藿翻以丹心許蒺藜火急寄言
青女道添霜啼殺伯勞兒

連雪後迎春憶舊十二韻

土牛一夕添神采雨霰連朝妬客鞋邀隊本期相跳

躑躅遊不暢，只擠排冰牢。北斗璣遊，凍滑東郊仗。
引乖。老病似蟲吟，草竇少年如夢憶。蓮渾飛香塞巷，
堪經宿。立帽平簷，別堤街奪綵，連毬追寶馬。爭梅帶
雪上金釵。花房醉客，槌朱鷺。水店壚姬，饌紫鮭。小市
溫淘，槐盡葉貴。筵餅餌，非初步。蕭條邑里，難如昨。想
象風光，未必皆是處。從今跌盡草中央，偏我立如柴。
一隅掩鼻，真成笑七字。瞞心戲作俳，青帝祇今何處。
去勾芒，一似不曾來。

徐文長文集卷之十

公安袁宏道中郎評點

門人郝之璽公琰校訂

五言絕句

題畫

墨竹杏花

嫩條捎空碧。高枝梗太清。總看奔逸勢。猶帶早雷驚。

又

當其尋文節。數寸蛇與蟬。化工無筆墨。个字寫青天。

又

采采西施。歷年年。牆外窺。莫嫌粧不澹。帶酒未醒時。

又

枝枝出牆語。采采向人窺。朱玉鄰家女。施朱太赤時。
扇中雙蝶

春至百花繁。名園蛺蝶翻。美人將扇撲。揚得一雙痕。
蜂

雙股粉黃籠。飛遲趁晚風。君王方課蜜。不敢戀花叢。

白牡丹桃花

下三首取像雅絕

桃艷比天姬。花王富貴姿。楚襄春日下。閒坐選娥眉。

剪春羅垂絲海

美人睡不足。春愁奈若何。垂絲綠窓下。聊爲繡春羅。

石榴荷花

畫得荷花朶。依依海石榴。西施夜浴罷。催火照梳頭。

兩蝗蟲

淅雪打茄茨。飛蝗慘不華。無由苗上見。盡取兩雄雌。

義蘿蔔

圃內一鋤淺。毫端兩詭深。廣州初斷葛。上黨未蒸參。

回回馬

西馬入瓜沙風塵道路賒試言如此四消得幾箇茶
毛魚作隊遊焚塘

作隊撼春萍雙頭寸未盈老漁暫相借江海幾長鯨
畫

朱夏鬱蒸時晶瓜碧玉滋疎簾三尺雪小簞一枰棋
詠畫 一意去腐

春

春嬌最何物桃花與楊柳惹儂或有詩市遠那得酒

夏

城市或囂炎在野心不熱意欲施茶湯行人他處過

秋

何處住高人低茅水上貼江濶杳難尋過客指紅葉

冬

梅花一萬梢紅寺五十里天晚不到門雪深沒驢耳

江船一老看鴈群初起

警鴈避羅舫江長起未高眼拚一餉後看到入雲梢
似赤壁遊

一艇泛三人多疑遊赤壁無處少江山但無此好客

石榴

閨染趨花色。衫裙尚正紅。近嬌瓜子茜。賤殺石榴濃。
竹染綠色。明艷跌蕩太白何疑。

我亦狂塗竹。翻飛水墨梢。不能將石綠。細寫鸚哥毛。
對岼觀岨大瀑。

瀑布挂江北。望者江南猜。雪花那不到。霹靂過江來。
獨釣寒江。快論起座。

大海有鯨魚。五岳其鼻額。任公釣不來。煩爾一絲雪。
閱書者倚老樹。

爾自作蠹魚、我不閱一字、逢着好樹根、抱着枕頭睡。

雪景

此際山陰道、啼惟有暮鴉、萬山無寸碧、何處認梅花。

魚蟹 雅韻可挹

夜窓賓主話、秋浦蟹魚肥、配飲無錢買、思將畫換歸。

杏燕子 必透題情

玉京紅線斷、樊素絳唇嬌、好着鞦韆架、其如不解描。

寫竹答許口北年禮

羹鯉稻梁餐、沈思欲答難、只裁殘拜帖、寫竹當春盤。

爲蘭與仙華子

仙華學杜詩其詞拙而古。如我爲蘭竹無媚有清苦。

尖頭麻蟄

身輕宜歇草頭銳欲鑽螺正苦毛錐乏如儂太軟何蒲桃

聞道羌葡萄家家用醅酒老夫畫筆渴此時堪一斗

張氏別業

樂志堂

備言志所樂何闕堂主與基主人向我道但看鳥悅枝

流霞閣

閣中餐霞人絕無煙火色
誰宰武陵雞來作漁郎食
竹塢淺淺四句情景無窮

題詩竹塢中竹長時出垣
誰能將鐵筆一畫牡丹園
青蓮島

小島舍巨浸能滋花葉開
青蓮大如許跏坐幾如來
小若耶

別沼分湖水因名小若耶
水流有大小却一樣荷花
芙渠逕

大堤遶芙蓉，渠平鋪三百步。誰云水中花，不甃陸行路。
浣花橋

鏡水及葶蘿，相望不盈尺。郎家浣花橋，妾家浣紗石。
水墨軒

萬頃茫茫處，開軒榻絳州。水光自濕研，不用汲池流。
桃葉渡 情語傷人

書中見桃葉，相憶如不死。今過桃葉渡，但見一條水。
又

憶渡桃葉時，綠楊嬌粉面。丈水五石泥，好影照不見。

六言絕句

村家飲

新竹已成蛇尾秋雲乍起龍鱗不雨空啼布穀乘涼
且脫紗巾

漁家圖

小練乳兒紅袜斜陽曝網黃蘆但得同心夜浦不願
嫁與秋胡

列子御風圖

旬餘身在遙空一葉枝辭芳樹若教風歇青蘋試問

宋王忠文公集卷之八

人歸何處。

徐文長文集卷之十一

公安袁宏道中郎評點

豐干潘允宜左之校訂

七言絕句

贈呂山人

西陵渡頭秋水寒年年歲歲走儒冠不知天姥山中
客十載關門做長官。

龕山凱歌

爲吳縣史鼎菴

縣尉卑官祿米微敎辭黃綬著戎衣賊中何事先寒

膽海上連年數破圍

又

短劒隨鎗暮合圍。寒風吹血着人飛。朝來道上看歸
騎。一片紅冰冷鐵衣。

又

紅油畫戟碧山坳。金鏃無光入土消。冷雨淒風秋幾
度。定誰拾得話今朝。

又

森黯悲人

無首有身祗自猜。左啼鳬。息右啼骸。馮將老。譯傳番。

語此地他生敢再來

又 自是詩史

旗裹金瘡碎朔風軍中吮卒有吳公更教斲養賊
憲自向霜槽餵鐵驄

嘉靖辛丑之夏婦翁潘公卽陽江官舍將令予
合婚其鄉劉寺丞公代爲之媒先以三絕見
遺後六年而細予棄帷又三年聞劉公亦謝
世癸丑冬徙書室檢舊札見之不勝悽惋因

賦

聲有餘痛

十年前與一相逢。光景猶疑在夢中。記得當時官舍裏。熏風已過荔枝紅。

又

華堂日晏綺羅開。伐鼓吹簫一兩迴。帳底畫眉猶未了。寺丞親着絳紗來。

又

筵前半醉起逡巡。窄袖長袍妥着身。若使吹簫人尚在。今宵應解說伊人。

又

掩映雙鬟繡扇新。當時相見各青春。傍人細語親聽得。道是神仙會裏人。

又

篋裏殘花色尚明。分明世事隔前生。坐來不覺西窓暗。飛盡寒梅雪未晴。

內子亡十年其家以甥在稍還母所服潞州紅衫頸汗尚泚余爲泣數行下時夜天大雨雪黃金小紐茜衫溫袖摺猶存舉案痕開匣不知雙淚下滿庭積雪一燈昏

將入閩方許二君餞別分韻

萬丈高城控井闔誰家池館隔江津勝筵不用扶
袖楊柳芙蓉擁醉人

凱歌贈叅將戚公

戰罷親看海日晞大酋流血濕龍衣軍中殺氣橫千
丈并作秋風一道歸

又

金印纍纍肘後垂桃花寶玉稱腰支丈夫意氣本如
此自笑讀書何所爲

望夫石

海天萬里渺無窮，秋草春花插髻紅。
自送夫君出門去，一生長立月明中。

宴遊爛柯山

萬山松柏遶旌旗，少保南征暫駐師。
接得羽書知賊破，爛柯山下正圍碁。

又

偏裨結束佩刀弓，道上逢迎抹首紅。
夜雪不勞元帥入，先禽賊將出洞中。

又 儒將風流

帷中談笑靜風塵，只用先鋒一兩人。
萬里封侯金印大，千場博戲采毬新。

入武夷尋一線天道中述事

行渴得巖
姬乞茗

花落花開隔水津，棧梯茆屋總堪鄰。
扁舟若不尋歸路，便是武陵深處人。

又

乞得瓊漿一碗新，沿溪行盡渴生塵。
雲英只在桃花下，不肯呼來見外人。

雪中訪嘉則於寶奎寺之楔店 入書

山徑尋君重複重。小樓百尺卧元龍。安窓偏向梅花角。去映江天雪數峰。

七里灘

百畚獅象一溪汭。一頃銀光萬箇頭。水石何緣能有此。星辰盡夜殞寒流。

又

淺水磬頭蘸幾堆。清涎齒縫破生梅。竹舟欲過從何處。無數游魚磕額回。

武林館中與徐仁卿同宿因贈徐號天峰武義諸生也餘千斤
樓上張燈倒瓦卮自居東面喚人陪須臾據案言兵
事蹤帽偏欹橫兩眉

又

自造提刀偃月文諸工圍煨燂吹雲當時試舞猶嫌
薄鐵櫛連環六十斤

趙君將買妾戲寄之

宮髻一鬟堆燕雛胭脂兩朶暈紅酥三千仙子雲中
有十五吳姬天下無

禪房夜話和韻寄付玉公

一月真時月月真，何須種種別前塵。
禪房昨夜燈前話，誰是客人誰主人。

折桃花

淺言雅韻人自不肯道

誰家桃樹倚西隣，摘下還存樹底新。
日暮擗頭過市上，疎疎數朶頗宜人。

徐濟之携新婦侍親揚州

初結同心結尚鬆，那堪波浪度江風。
華堂一入姑親道，新婦揚州芍藥紅。

送丁子範時予方入武夷

君去高郵是壯遊。風吹樹葉綠嬌秋。歸來佩劍不須脫。尋我武夷山上頭。

夏相國白鷗園

白鷗池水拍天平。相對瓊樓入太清。試問歌臺生草處。當時曾許外人行。

又

詞客登臨信筆裁。每於花謝笑花開。請觀世上看花者。曾見花開不謝來。

竹枝詞

劉蘇州無此哭

風前燭焰片時紅馬首西時馬尾東兩隻鴛鴦睡不醒一隻相思愁殺儂

又

籠中鷓鴣子不得出籠外要入將奈何一邊蟲粘蜘蛛網一邊窓打撲燈蛾

閨門送別 愴傷語不堪再讀

送別閨門日已西自將光景比烏栖平生不解依枝宿今日翻成遶樹啼

予自浙抵新安登齊雲還浙道中旅館頗多奇

景而不成一字至衢自嘲一絕

繫馬梅花索酒時溪山遙映酒家旗何爲每到堪題
處不解吟成一字詩

寄徐石亭 有此一詩較看花風氣轉勝

聞道名園盛牡丹豪家歡賞到春殘自憐亦具看花
眼種菜澆畦不得看

乙丑春正月廿有四日與某等携觴俎採隅穴
就十峰山人馬丈飲於小園林卉雲繁索得

海棠秧二本穿籬過別畦又掘竹母數根而
去時薄靄滄生山翠欲滴衆客怖雨輒爾拂
衣一時幽韻可掬
春來携酒醉春羅乞對春花一兩窠不若取將松竹
去成陰留待主人過

送陸子之閩

羨爾寧親向百蠻扁舟日下萬重灘經過舊路吾能
說雪浪屏山畫裏看

留別倪子 雅蓓

小門一徑柳垂絲。簾下垂裾話別離。却問歸來是河
日。海榴如火燒高枝。

天目山

一瓦觀音二三古杉大者至八抱

鍊羅漢已燒成塵瓦。鑄觀音又一新。見說前村披木
葉青裙。夜降紫姑神。

又

赭鍊青銅凌紫煙。能爲人語向人間。二千年事說不
盡。夜夜青溪勞往還。

又

斷壁孤杉四十圍。不關雨雪陰霏霏。柯南一國痴螻
蟻。長恠曾無白日飛。

南海曲

一尺高鬟十五人。愛儂雪鬢怯儂勝。近來海舶久不
到。欲寄玳瑁簪。未曾。

嘉則擬紅衫四貌

春郊走馬

春郊大堤無盡頭。沈郎走馬着紅裘。迴鞭故遣穿楊
柳。衝落楊花撲紫驕。

東山擁伎

道人道帔剪輕霞，醉臥青樓小伎家。
小伎紅衫何處買，同是南京杏子紗。

秋江把釣

戴進不得武英收，爲抹勾漏絳釣裘。
若使今朝逢沈四，真成伯樂哭驊騮。

高樓對雪

高樓一袖錦毛梭，萬玉屏圍紅叵羅。
雪裏茶花儂似否，慙催滕六剪銀河。

燕京歌

人云斗牛眼甚惡最嚇人

西北池中有斗牛人傳一挂一時收要知不是凡鱗介只看眉潭白兩毬

又

繡人須樣繡新裘爭看池中活斗牛及至見時無腳走各綳紅袖急遮頭

又

斗牛何處見英豪猝眼令人膽不牢及問當年親見者只推霧裏見分毫

又

蕭后梳粧別起樓太湖石在寒空流而今樓瓦飄零
遺只乞中官看石頭

又

綠樹連雲撥不開忽扶黃瓦出樓臺隄長水濶三千
丈一日惟看一殿回

又

千里馬來自西南夷館朝廷鎖鑰嚴幾回欲看無
由看牆外聽嘶出屋檐

又

貢來獅子看曾真。養在西城十四春。更欲乞看云不
可。昨朝攫碎菜園人。

燕京五月歌 風趣天然

石榴花發街欲焚。蟠枝屈朵皆崩雲。千門萬戶買不
盡。剩與女兒染紅裙。

又

竹黃如槁少鮮妍。一叢五竿百箇錢。賣與人家那不
貴。湯澆火炙過冬天。

又

葶薺菱藕賤如柴竿蔗年來漸亦栽百貨百珍俱得
到却無一箇荔枝來

又

燕京百事且休憂但苦炎天道上溝近日已聞將掃
括不須遮鼻過風頭

自馬水還道中竹枝詞

灣灣曲曲幾山溪眼眼腮腮淚落絲立到馬遙人影
沒更誰知爾下山時

乘霽自福田遍歷善應翠微洪光大悲諸招提
翠有石洞西夏僧兀坐其中自言至此可六
萬里齋罷擬游西湖輒止

禪槽養馬似支公控馬長鬚鬢插紅却說看山須霽
好昨宵濕馬費梳駿

上谷歌 尋常語俱妙

少年曾負請纓雄轉眼青袍萬事空今日獨餘霜鬢
在一肩輿坐度居庸

又

居庸卵石一何多大者如象小如鵝千堆萬疊無他
事東擲西拋只蹶駢

又

八達高坡百尺強逕連大漠去荒荒輿幢盡日山油
碧戍堡終年霧冥黃

又

箇箇健兒習戰車重重壁壘鐵圍賒儘教上谷長千
里只用中丞兩臂遮

又

塞外河流入塞馳一般曲曲作山溪不知何事無魚
鱉一石惟容五斗泥

又

昨向居庸劒戟過今朝流水是洋河無數黃旗呵過
客有時青草站鳴駝

又

橐駝本是胡家物拽入人看似拽牛見說遼東去年
捷奪得千頭與百頭

宣府教場歌

宣府教場天下聞箇箇峰巒尖入雲不用弓刀排虎
士天生劒戟擁將軍

早渡銀洞嶺

銀洞高高嶺百盤峰巒插笋倚天班馮誰喚起王摩
詰畫作賢人曉過關

胡市 趣甚

千金赤兔匿宛城一隻黃羊奉老營自古學其嫌盡
殺大家和局免輸贏

邊詞

並客燕時到馬水
日及宣府之作

四壁龍門缺削圍，枉教鄧艾裂瓊衣。莫言虜馬愁難度，即使胡鷹軟不飛。

又

牙兵箇箇是能羅，別選奇才養作兒。試看陣雲穿處，一團蜂子擁人飛。

又 古齒

牆頭赤棗杆兒斑，打棗竿長二十拳。塞北紅裙爭打聚，江南白苧怯穿蓮。

又

立馬單盤俯大荒提鞭一一問戎羌健兒只曉黃台
吉大雪山中指帳房

又

十八盤山北去賒順川流水落南涯真馮一堵邊牆
土畫去乾坤作兩家

又

黃酋墮馬已成禽漢卒爭功被脫身冤鬼至今留黑
石堯登連歲落魚鱗

黑石堡所禽地也
得其背上之朝

又

八里庄兒一堡中銀鑲小杏墜腮紅粧成自不撩人
看起莖黃芻僕鐵驄

又

葛那頸險斷胡刀、鬚手攀頰按得牢、歸向鏡中嫌未
正、特搓過左一絲毫、葛那宜府之降胡

又

此下四首並
俺答甥女事

女郎那取復梟英、此是胡王女外甥、帳底琵琶推第
一、更誰紅頰倚蘆笙

又

老胡寵向一人多，窄袖銀貂茜。羅逋與遼東黃鵠，
子側將雲鬢打天鵝。

又

汗血生駒撒手馳，況能粧態學南閨。帙將阜帕穿風，
去愛綴銀花綽雪飛。

又

姑姑花帽細銀披，兩靨腮梨灑練椎。箇箇菱花不離，
手時時站馬上胭脂。

又

曾見思歸數寄書。忠魂畢竟滯邊隅。可憐一斗長弘血。博得墻圍柳數株。右過沈光祿宅及拜祠

又

十八盤南甃沸湯。燕京樓子待梳粧。當時浴起蕭皇。后何似驪山睡海棠。十八盤山有湯泉云是遼后浴處

又

邯鄲才人似花枝。嫁與遼東厮養兒。懶向樓中拈粉絮。解從馬上寄征衣。守馬水者遼東李寧遠之子家卒敢死婦有素風

又

黃鼠白脂捷遁迹夜猴搏鼠捷於猴將猴比鼠無多
大自古獐麋怕阜鵬

長干行 惜作竹枝體

玉八夜夜板橋灣金盡蕭郎隔水看不分踏樓騎鳳
脚偷來橋外立紅闌

又 不無過巧趣却不乏

木蘭艇子夜夜閒桃葉桃根太往來攪起鴛鴦雙睡
翅倒嫌他扇落金釵

又

紅板青樓是爾家。鴛鴦家做在荷花月。明打開猶自可。月黑打開愁殺他。

又

野鴨鴛鴦姊妹如打散。鴛鴦鳴亦飛。月落沙空俱不見。滿江鴛鴦弔雄雌。

鍾子授我篆章答此

定是元常幾代孫。朱砂小篆遂專門。誰知老子壁折路竟讓新郎屋漏痕。

擬往中止

綠菽胡麻各一盤
憐君餉我每朝飧
猶聞竈下青烟
嫂打餅鋪椒脆月團

菊

百草諸香白露溥
一時非不哭湘沅
千年獨有黃花
瘦爲伴行吟瘦屈原

曹秀才

來爲親銘幾日留
歸船正遇荻花秋
高檣莫憂江邊
樹恐有啼鳥在上頭

默泉篇

其人善琴

泥金小扇月分圓
淡淡煙煤寫點泉
泉水有流不作響
正如琴上不絃絃

漫曲

聞道張家燕子樓
青羅小帽急梳頭
花枝誰肯先春老
無奈風吹雨打愁

古意

只堪話舊作生涯
若論風情鬢有華
記得金釵墮雙鳳
十年前夜舞誰家

王元章墓

事見山陰志

君畫梅花來換米，子今換米亦梅花。
安能喚起王居士，一笑花家與米家。

寄沈子

兩月歸家不出門，谿邊荷葉大如盆。
不知近到西湖上，更大如盆有幾根。

贈孫山人

龍津先生高角巾，多能不特是詩人。
昨宵與客溪橋上，話到風平水不鱗。

山陽歌醉中贈魯君

正韻

淮河流水盡蘆葦。明府冰清貌苦羸。却訝故人禪窟冷。爲烹一尺鰕魚肥。

倪陳君之配蔣一風流賢達他人不知作哀語

幾許

陳君轄我飲青春。焦華賢閨釀絕倫。若舉醉鄉祠祭典。沈香先刻蔣夫人。

芙蓉死

舊種芙蓉今不活。跣趺秋草看明月。紅頰成都賣酒人。與歡亦是千年別。

麟

汝寧府光州光山縣於萬曆十三年二月二十日據高陌里民曹國隆同地方李章等呈稱本月十八日當四更時本庄偶見天光如電一時輒黑迨至五更忽又光如白晝居民早起又黑如前衆相驚疑不知何謂遂巡達曉則有五色瑞氛都如霞采瀾漫亘空不意本日未時國隆家所畜牯牛大叫數聲產一麒麟胞破液流液乃黃色牛時舐麟血漉於

舌麟臥欲動則見逼體逆射並是紅綠焰光
須臾霏霧罩籠風雨大作群樹鳴吼塵土飛
揚雨下如墨至十九日未時麟絕不向乳遂
不喘息卽今馬家橋至碑橋一帶黑水尚存
可驗隨該知縣牛應元主簿王汝政典史梁
樸公同往視麟之遍體及頭尾四蹄並是龍
鱗鱗却方樣湊縫所在並觀現紫色獠毛所
據國隆等呈麟產於牛非常事等奈輒不乳
無由進呈謹具圖畫一本并所呈山均乞轉

達闕廷惟復別有定奪 右乃刪削彼處

文移以存其實

一辭羗馬獻蘭筋四海歌謠美漢文
天爲吾皇厭祥瑞不教麟犢惱明君
萬曆初有獻千里馬者却之

又

光山產麟光燭天無心在世去飄然
魯史若逢應不哭不比哀公十四年

又

帝王瑞到我 皇真王聖君
賢盡鳳麟舞看閣上

秋。畫。不。羨。牛。邊。數。葉。鱗。

又

吾皇已却千里馬，天亦躊躇五采麟。尚恐越裳重譯至，急傳黃紙與邊臣。

又

清時麟天不須傷，野老蒼爲哭一場。儻似角端能解語，欲傳一語奉明王。

又

鱗中許貢止常鱗，但取冰鱗片磨新。五馬敢團茶葉

餅一車不動荔枝塵。

又

南溱北旱禹湯年，何瑞能回聖主憐。
親御布袍行十里，汗香飛遶一壇圓。係實事

又

聞道麒麟鬪海東，親令白日蝕當中。
牛腸鱗甲知何物，干犯天光半夜紅。

漁鼓詞

情趣兩絕

盧家雙燕不雙栖，南浦鷓鴣日夜啼。
紅綿如水單衾冷。

火冷煖在郎歸不歸

又

大唐自古諺魚洲百賈囊錢入海流
央殺主人尋翠羽不知鸚鵡在高樓

又

虎丘茶葉峴山歌專諸骨董刻絲梭
明月大家消一看焉能人娶一嫦娥

又

洞庭橘子是芙蓉菱荻菰香芋落花生
要唐九黃三白

酒此是老人骨董羹

送林某

野客年來百事休也憐歌板去難留
若爲化作沿江柳直管鶯聲到岸頭

又

夏來涼夜似秋多正好酣歌奈去何
欲買纏頭無蜀錦贈將白苧當紅羅

設代林某答胡通政

銀臺相望渺銀河澌水情人待亦多
妾本一身非兩

體一時難作往來梭

雲州舍身臺

欲留軀殼已貪哉欲棄之貪更費猜一棄一留都不計道人偶上舍身臺

慕蘭篇

古樂府云一日三摩挲劇於十五女言好劍者之專錢君於蘭之慕亦然故用

其事

新篁初曲圍成圃碧玉垂花琢作條終歲摩挲兩無厭劇於十五女見腰

竹枝詞

平淡中有微情

秋日高城大道邊黃花無處不金錢
撩釵惹鬢無他事只助青樓鏡裏妍

又

弄玉吹簫在鳳樓鳳鬟度曲亦悠悠
略攢秋月雙蛾曉直過行雲一鴈秋

盤古社樹

大枝入漢拔龍蛇小葉涼人雨雪遮
三代以來無此物欲從青帝問年華

托王老買瓦窰頭銀魚

寶坻銀魚天下聞。瓦窰青脊始聞君。煩君自入篋囊來。
伴儘我青錢買二斤。

買得一貓雛。純黑而雄戲咏。

柳條不必穿魚聘。花徑馮教撲蝶行。從此牡舟須再。
畫。要看一線午時晴。

五洩

紫園村中一線微。穿厨入竈浣裙衣。無端流出高巖。
上。解與遊人作雪飛。

又

斗厓緊接大槽平。長練難傾怒愈生。絕似海門潮正
急。白頭翻貼黑沙行。

五洩霧

茫茫一卵未曾分。倍覺懸流渺一痕。大似龍堂燈火
暗。香煙幾縷白黃昏。五洩之寺曰龍堂

七十二峰巒來書寺壁 游興欲狂

五條桂練玉龍奔。七十二峰鬼斧痕。墜水墮壚都不
恨。古來一死博河豚。

自燕京至馬水竹枝詞

沙渾石澁夾山椒苦束桑乾水一條流出蘆溝成大
鏡石橋獅影浸拳毛

寫扇與毬兒

旣已明珠隨口散誰能明月繞身飛何時接得裁文
錦送與毬兒作舞衣

嘉則衷緋而西

沈往明少保
公故有後絕

最宜才子着紅衫萬里青天坐片帆何似雪深將酒
伴看君題字萬重巖

又

此去長江非浪遊、兩行別淚不勝秋、寄將三尺竹如意、爲我嚴灘敲石頭、

過陳氏園看杜鵑花花高可十五尺餘郡中無其比也

西蜀來時一寸高、如今丈五尚餘梢、翻霞弄日長空上、笑殺朱榴著地燒、

鏡湖竹枝詞

越女紅裙嬌石榴、雙雙蕩槳在中流、愁粧又怕旁人笑、一柄荷花遮滿頭、

又

杏子紅衫一女郎、鬱金衣帶一羣航、堤長水濶家何處、十里荷花分外香。

上谷邊詞

胡兒任牧龍門灣、胡婦烹羊勸客餐、一醉胡家何不可、只愁日落過河難。

又

風吹乾草沒沙泥、齧草奔風馬自蹄、却問駱駝何處去、大酋隨獵未曾歸。

又

胡兒處處路旁逢，別有姿顏似慕容。乞得杏仁請

食射穿楊葉一翎風。虜最嗜糖
經杏仁

又

駱駝見柳等閒枯，虜見南醪命拚殂。倒與鴟夷習一

滴，四韁猶作卯兒姑。北諺云駱駝見柳達子見
酒又夷言磕頭為卯兒姑

黃楊山

石牙初豁轉成含，近頂如臍着一菴。谷口進來三萬

丈，數株松柏似江南。

又

巉崖立馬苦迷潯、破寺饑僧路懶攀、除却黃椒千萬
片、一株松蓋塔兒山、

秋熱更酷戲作扶桑女郎葵扇詩

秋雨不來熱更強、蒲葵團扇滿筐箱、蠻娘只備涼衾
枕、未要橋邊寫二王、

無題

半生不復作鯨吞、白飲無紅攪不渾、今日不愁人不
醉、太真新出浴湯溫、